

太上無極總真文昌大洞仙經卷之二 三

甘山摩維洞主太玄無上上德真君啟

祝香

伏以祥風澤雨鍾靈秀於五香大德至仁鑒  
精誠於一縷可通無際之際是名非烟之烟

憑此氤氳普伸供養一志惟恭

萬神遷鑒願開金鑰仰讚瑤章伏願寶光分  
敷梵音朗徹死者受生生者受度無願不成  
天之所覆地之所承有緣悉證答請有頌謹  
寫舉揚

各發無上至誠心 願入文昌祿嗣會

皈依三寶諸祖師 惟望慈悲常攝授

仰啓三清境 無上三境尊 元始大法王

大慈真教主 玉宸大道君 大玄真道父

仰啓大羅天 無上玄穹主 仰啓三清界

侍宸諸真衆 蒼胡頡寶珠 所結大洞經

妙道難思議 玉章生萬神 大慈元始尊

金像出地戶 化現三神人 葛衣贈金寶

夢中袖二書 錄法並相授 變化顯文昌

隨願隨靈應 臣今淨三業 永斷血尸根

奉符入玉京 稽首黃金闕 一心頭面禮

元始大法王 惟願大慈悲 開受臣所請

願臣默想念 合符帝一前 越度仙黃庭

俱躋大漠外 七祖斷玄滯 受事會玉皇

願臣諷誦時 百靈皆會集 音徹通萬天

流響達九地 成就一切願 如經所稱述

從此漸進修 成道事諸聖 經筵諸孝友

金石矢初心 一禮一稱名 皈依七曲主

注想始青天 先天長壽母 注想紫雲巖

文昌具國土 後天慈父母 化現桂香宮

孝子及慈孫 列仙侍慈容 願受真信禮

放大如意光 隨心隨夢應 嗣祿五儲祥

願我侍慈親 生生榮鶴髮 願我逢聖時

步步榮寵渥 願我處生方 隨念如意光

願我善緣熟 學道早悟真 願我業垢空

惟心達淨土 普與人天衆 量緣證善果

金石一真心 真心皈帝君 諸聖諸天尊

心香同讚祝 願與諸經生 一心皈命禮

至心皈命禮

玉清聖境清微天宮鬱羅蕭臺之中春羅淨

泓之上現有為之梵相具無極之神通敷演  
真玄破無有色空之礙拯提趣類絕智愚高  
下之分妙用難窺靈機罔測大悲大願大聖  
大慈无量度人元始天尊

至心皈命禮

上清真境禹餘天宮紫微瓊臺之中玄都玉  
京之上瑛元始虛皇之統系超西那玉國之  
根苗八黍米珠盡挹真玄之精粹在香林苑  
屢談秘要之筌蹄妙德難思神通莫議大悲  
大願大聖大慈无量度人靈寶天尊

至心皈命禮

太清仙境大赤天宮魏龜金闕之高妙渺重  
霄之上降生於无量數劫說法於萬二天  
五千祕言融三才之妙道八十餘度接六趣  
之衆生聖德崇高玄功廣博大悲大願大聖  
大慈无量度人道德天尊

至心皈命禮

紫金金闕白玉玉京住妙有之境中處玄真  
之天上功成道備故妙道卓冠於諸天心廣  
體胖故慈光遍燭於三界位尊而上極無上

道妙而玄之又玄真聖宗師天人依仗大悲  
大願大聖大慈穹蒼聖主玉皇天尊

至心皈命禮

股肱佐漢家世相韓掉三寸舌而為帝者之  
師受一編書而作人中之傑身不勞於汗馬  
功已著於丹書向遇黃石公即根本神仙之  
地後從赤松子乃飛昇大有之度春隆上相  
之尊嚴位正天樞之鎮重塔三洞真經之詳  
演膺九光寶節之榮褒萬古敷揚諸天贊重  
大悲大願大聖大慈校經主宰道高聖邁上  
上大德尊天帝法主道君天尊

至心皈命禮

北上太虛無上常融天寂虛玄梵境太乙真  
慶宮真玄上聖九天遊奕使左領天罡北極  
右垣大將太極真宗太玄慈父靈通大妙仙  
八威九光聖執乾元帝心印乘陰靈斗極符  
總玄武右弼司判左領聖府院誓斷妖魔救  
護羣品匡扶劫運統攝萬靈威德無邊神通  
浩溔巡遊十洞檢察諸天福佑孝忠勦除孽  
害至聖至神至帥鎮天真武治世福神王虛

師相紫皇天乙真君玄天仁威精微上帝金  
闕化身天尊

至心皈命禮

甘山福地摩維洞天中有老人一炁根紫微  
之應化上朝金闕九華通碧落之生芒說六  
章經陶凡煉聖之文贊萬壽觀復古通今之  
化扶持人極發越地靈道大難名功高莫議  
大仁大孝大聖大慈儲福定命九天丈人大  
玄无上德真君玄真萬福天尊

至心皈命禮

本東南土上沂蜀都先獲黃帝九鼎之丹書  
後事老君兩度於玉局千軸得修行之要一  
時成吐納之功法錄全成受盟威品而結壽  
訣正邪兩辨奪福庭治而化鹹泉德就大丹  
道齊七政大悲大願大聖大慈三天上相玄  
都丈人扶教度人天師正一輔元體道沖玄  
神化靜應願佑真君六合無窮高明大帝降  
魔護道天尊

至心皈命禮

永平柱史唐代易玄得異術以全神脫塵囂

而獸役主光華之大法悟萬有之真機道骨  
常仙留馬躍入淵之跡恕心決獄致鼠飛穿  
牖之祥受赤龍丹號碧梧子大悲大願大聖  
大慈三天次相九炁丈人丹琳大帝隨機演  
化天尊

至心皈命禮

誕生漢室錫號晉朝惟布炁以降邪曾吞虎  
而救世管玉霄洞清之法傳玄壇內教之經  
掌雷府刑判都督府便宜之事領天師職升  
紫微天右相之班判洞陽宮主混元教大悲  
大願大聖大慈無極真元清皇上帝九天保  
冊司命天尊

至心皈命禮

德彰巴峽跡隱淪江切題金榜之姓名親授  
玉階之冕服止殺應霜臺之夢現威變日表  
之容悟最上乘以勸善大師而友助究真常  
道假恭天觀主以講磨膺仁濟之衷嘉表神  
功之莫測鎮國祚復興之地開蜀民再造之  
天恩被羣生德隆百世大悲大願大聖大慈  
壁山顯應真人清明河童天帝

至心皈命禮 聖母十月十五日誕

始青天上帝命化初一炁未滴合七曲真元之粹九天肇始包三光精體之全鸞機無兆睽之可名鶴質仰清高而莫議先天先地之慈母不古不今之婉容陽回十月五日之春

教演三綱五常之祖壽綿長壽形賦元形載觀本行集之跋經莫測始青天上帝證道大悲大願大聖大慈七曲初劫賦形長生壽母太極元君

至心皈命禮 聖父二月十一日誕

桂香寶殿文昌上宮道體混成合九十餘生之化真元未露儲三萬六千之精開後天不老之鸞書奉青霄莫測之熊夢神父之大慈父至人之上善人脈壽三綱五常之根心包百行萬善之體皈依莫盡稱讚何忘大悲大願大聖大慈十曲聖父顯慶慈祐仁裕令德王玄初大帝證果長壽王菩薩儲真衍慶天尊

至心皈命禮 聖母七月七日誕

桂香內殿文昌輔官淑質春和舍太真之淑

氣清光秋湛藍七夕之清輝包龍像於未滿隱鸞機於不露劍泉之大慈母蓬萊之上善人產萬世之綱常生九天之名教皈依莫盡稱讚何忘大悲大願大聖大慈七曲聖母昭德積慶慈懿恭惠太后證果寶光菩薩嗣慶儲祥元君

至心皈命禮 元皇天帝二月初三日誕

桂香寶殿文昌上宮九十六生種善果於詩書之圃百千萬化培桂根於陰陽之田自雷杆炳靈於鳳山至如意儲祥於龍岫開人心必本於篤親之孝壽國脉必先於致主之忠應夢保生垂慈憫苦不驕帝境玉真慶宮現九十八化之行藏顯億千萬劫之神異飛鸞開化在在壇助國救民人人被德功存乎儒道釋教職盡乎天地水官威靈不可度量功德果難思議至仁至孝不樂不驕大聖大慈大悲大願神文武孝德忠仁王安樂不動地遊戲三昧定慧王菩薩證果迦釋梵鎮如來救劫大慈慈更生永命天尊

至心皈命禮 聖母五月初三日誕

桂香內殿文昌輔官懿範冰清掬九天之霽月仁心春粹扇七曲之家風婉儀入侍於親聞慈淑天全於母道上下一堂之和氣古今萬世之春臺應夢儲祥因心演化大仁大孝大聖大慈七曲聖后恭順淑應德惠昭懿皇右證果定應菩薩冲和洞妙元君

至心皈命禮 聖子三月初三日誕

桂香內殿文昌輔官聖德慈祥一念嗣家聲之脉神功顯著九天寬帝父之心戲綵雲巖詳無體無聲之禮樂問安月窟傳有典有則之箕裘錫五福於生生仁孝之家榜三元於奕奕詩書之裔因心立教應夢儲祥至仁至孝至聖至慈聖長子嗣德履孝王演化清微天帝文昌衍慶真君

至心皈命禮 長孀八月初一日生

桂香內殿文昌輔官淑質春柔粹婉容於侍問真心玉潔儼懿範之清高相成震長之家聲默識允和之聞則教流愷悌化洽坤和應夢儲祥因心錫慶至仁至孝至聖至慈聖長子婦善助顯懿循孝夫人元真妙洞真妃文

昌靜應天君

至心皈命禮 聖次子正月 初一日生

桂香內殿文昌輔官父子一家全克孝克慈之道君臣千載盡止仁止敬之心模範人天本綱常而立教準繩世道振詩禮之趨庭幹盡於陰陽之天福謙於行藝之圃因心演化應夢儲祥至仁至孝至聖至慈聖次子昌德立孝王演化妙成天帝文昌司祿真君

至心皈命禮 聖次子婦二月十八日誕

桂香內殿文昌輔官孝德謙柔稟一元之淑質真心坤順婉七曲之閨儀五婦嶺前揭闕安之華典三潮水上流積慶之清源應夢儲祥因心演化至仁至孝至聖至慈聖次子婦助順惠慈克孝夫人至真洞應真妃文昌嗣慶天君

至心皈命禮 聖孝公主四月十六日誕

桂香內殿文昌輔官瞻魄凝祥根父天之慈愛鷹心欽福陶母德之雍和霜姿雪質之清不物於物春風秋月之抱自天其天內觀萬境之空幻得九天之道心清莫議德婉難名

至仁至孝至聖至慈聖女淑真妙靖懿孝公主洞元真人文昌萬壽天君

至心皈命禮 聖長孫婦七月 初三日誕

桂香內殿文昌輔官凜潔天姿道矩肅家聲之粹挺挺風烈仁聲流化治之新雷震間發於春和人人開悟雨露旁周於天表物物生成應念儲祥炳靈應夢至仁至孝至聖至慈聖長孫紹應昭靈至孝侯寶華圓滿天君文昌積慶真人

至心皈命禮 聖長孫婦五月 二十八日誕

桂香內殿文昌輔官聖質天姿粹出春風之抱仙標道矩豁開秋月之清四世一堂印印閨儀之雍肅百行萬善天天家慶之精詳應夢炳靈隨機演化至仁至孝至聖至慈聖長孫婦淑應昭孝夫人玄真靜素文昌積慶天君

至心皈命禮 聖次孫十月 十三日誕

桂香內殿文昌輔官談笑春風字字仁心之發育動容和氣言言家法之流傳子承聖子之心根培陰陽孫繼神孫之體果證真仙應

夢儲祥因心立教至仁至孝至聖至慈聖次孫承應宣靈順孝侯祖德妙清天君文昌襲慶真人

至心皈命禮 聖次孫婦七月 二十三日誕

桂香內殿文昌輔官至質金姿父母慈栽培之地恩光化日子孫綿嗣續之天生根榮陰陽之根內資相警休命續衣冠之命婉出相成應夢儲祥隨機演化至仁至孝至聖至慈聖次孫婦惠應體孝夫人真元育粹文昌襲慶天君

至心皈命禮

文昌佐神太一真官天順真君三茅司命真君文班左司主祿獨孤大王武班右司主嗣英惠忠烈翼濟福安王雙松報喜太尉桂祿二籍仙官仙童玉女飛鸞從駕天尊地啞侍駕左右三仙北府贊佐碧玉顯建雲雷雨部諸仙列聖輔道一切真宰

禮讚已周依光懺悔

七曲慈尊真教主 慈父慈母同我生子生聖子皆孝慈 孫繼神孫盡慈孝

一家和氣天無盡 萬世春臺月有光  
 慈光普照諸天人 細入微塵滿天地  
 我生同得乾坤體 一似文昌始劫時  
 聖非自聖凡自凡 流浪至今方覺悟  
 願達七曲慈尊教 惟忠惟孝惟慈心  
 不以口業傲神人 不以身業累父母  
 不以意業欺天地 不以心業禍子孫  
 願從孝行與陰功 種種力行諸方便  
 懺贖多生諸罪垢 皈依元皇大慈光  
 求嗣求祿求生方 不求諸人求諸己  
 惟我文昌七曲師 歷劫待人存恕法  
 願放一種如意光 憫念衆生真懺悔

懺悔已周次當發願  
 父母願同長壽果 龜齡鶴髮映慈光  
 己身願拜大吉祥 仰事俯育無苦惱  
 子孫願喫雲巖桂 嘉與己身同發榮  
 父慈子孝一家春 光明無負慈尊教  
 願蒙七曲親提接 指引登真入道門  
 捨生受生正遍知 盡未來世俱圓滿  
 發願已周次當發願

柱香殿上仁孝主 教兩周流洗業根  
 業根化作桂華香 善本種成長壽果  
 一家骨肉無煩惱 七曲子孫同護持  
 普願今世與來生 紫雲巖前成道果  
 步步心心帝左右 生生世世天主張  
 骨凡身換形可灰 一點真心自金石  
 發如是願者是日爰有本貫弟子某稽首  
 元始天王千萬萬聖持誦大洞仙經丐賜  
 赦過宥罪改禍成祥惡根斷絕進道無魔祖  
 先父母早度南宮獲生中土眷緣衆生均賴  
 陶鑄災殃殄滅所伸凡懇千冒

天威願冀感通曲從所請伏願香久使者領  
 茲丹懇普為開閉稽首皈依

三清應化天尊  
 玉清普化天尊  
 太乙救苦天尊  
 天樞上相法主道君天尊  
 終劫濟苦天尊  
 消災解厄天尊  
 雷聲普化天尊

玄真萬福天尊  
 斗府天曹列位星君  
 三元三官大帝三百六十應感天尊  
 定光澄明普度天尊  
 紫清介福天尊  
 更生永命天尊  
 無量度人天尊  
 普天懺罪天尊  
 十方靈寶天尊不可思議功德當願衆生心  
 開悟解受持轉誦

元皇金號

金闕上相檢校太師混元內輔三清上宰大  
 都督府都統三界陰兵行便宜事管天地水  
 三界獄事收五嶽四瀆真形虎符龍券總諸  
 天星曜判桂棹嗣籍上仙英顯元皇真人司  
 祿職貢奉真君洞照通真先生編修飛仙列  
 籍掌混元造化輪迴六道救苦救難慈尊玉  
 清內境清靜道真身現紫雲巖手持如意杖  
 統御萬靈濟濟諸苦大仁大孝大聖大慈無  
 上不驕樂育天帝都統混天誠心接物萬天

教主隨願慈應天尊九天定元保生扶教輔  
元開化文昌度人主宰長樂永佑靈應大天  
帝君掌五湖四海總十二河源水府運使定  
慧王菩薩證果迎釋梵鎮如來澄真正觀注  
祿定籍寶光慈應治世顯道保安拔罪更生  
永命扶善濟苦消劫行化純一顯應天尊

太上無極總真文昌大洞仙經卷之二

太上無極總真文昌大洞仙經卷之三 第四

甘山摩維洞主太玄無上上德真君校正

玄蘊呪

玄元始炁分 清華開洞神 靈風迴太和  
玉音攝流精 至哉本自然 誰識此玄文  
堅剛明一悟 倏忽超三乘 寂寂無色根  
永劫奚漂沉 胡能精修持 究竟登玉清  
道言昔在龍漢劫初

元始天王出大洞玉經於高上大有玉清宮  
演太玄重玄玄一之道命之曰

大洞仙經元始天王始以太玄一音流響玉  
清弘帝一真道說大洞寶文示九統之法傳  
九光之符至士誦之登齋修行即得萬神歡  
慶百靈護持萬聖感格萬仙翕臨可以飛度  
三災四煞五鬼六害七傷八難九厄十惡登  
仙入聖神生紫微自然無為不係陰陽五行  
六炁之所拘束念念增長趣入大乘弘之無  
窮諸天下觀玉帝降鑿飛天保迎億曾萬祖  
歷劫種親遊奕飛鳧俱得更生世胃接仙長  
為貴人功滿道備骨肉同昇乘龍駕雲上朝

玉清

元始天王嘯詠太玄凝神遐想而說洞章  
高上洞元 元生九天 炁祖太無 宗風胤玄  
玄曾絕散 四清撫閭 帝一上景 連衆攝烟  
長契一運 七世投閑 託靈屬命 反華自然  
汎逸流輝 六曜沉暹 陵範御暉 西華彰安  
併編帝簡 盡得解源 胎田邃路 世發玉蘭  
靈光八輝 混生萬神

元始天王曰

玉虛順玄歸 天展金霄遊 朗朗生帝景

效爾宴玉洲 左攝始童神 右命起恒符

明真煥九霄 三日映玄敷 千景併三矜

內有幽寥無 令我得長年 千劫始一周

黃籙保德切 披錦入神丘 太一務命根

公子召合符 十迴度初心 得入大信根

元始天王曰

玉帝玄上籙 制命九天階 七覺成道數

歡熙神風回 颺燦北停華 紫英唱東瓊

琳和九霄外 玉符徵太微 三素生泥尤

發曜金靈暉 老君牢張上 守衛死節機